



## БУЛГАН АЙМГИЙН ЗАСАГ ДАРГЫН ЗАХИРАМЖ

2022 оны 03 сарын 07 өдөр

Дугаар 11147

Булган сум

### Г Мах нийлүүлэх ажил зохион байгуулах тухай Т

Монгол улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, Хүнсний тухай хуулийн 6 дугаар зүйлийн 6.1, 6.5, Засгийн газрын 2021 оны “Хөдөө аж ахуйн салбарын 2021-2022 оны өвөлжилт, хаваржилтын бэлтгэл хангах зарим арга хэмжээний тухай” 221 дүгээр тогтоол, аймгийн Засаг даргын “Шинэ хөгжлийн зам” үйл ажиллагааны хөтөлбөрийг хэрэгжүүлэх ажлын төлөвлөгөөний 2.3.6.4 дэх заалтуудыг тус тус үндэслэн ЗАХИРАМЖЛАХ нь:

1. Аймгийн төвийн хүн амын хаврын хүнсний хэрэгцээнд мах бэлтгэн нийлүүлэх аж ахуйн нэгж, иргэнийг шалгаруулах ажлын хэсгийг дараах бүрэлдэхүүнтэй байгуулсугай.

Ажлын хэсгийн ахлагч: Д.Жаргалсайхан (Аймгийн Засаг даргын орлогч)

Гишүүд: Д.Буманбаяр (ХБТХОХ-ийн дарга)

Ч.Амгалан (ХХААГ-ын дарга)

Б.Буянзаяа (МЭГ-ын лабораторийн ариун цэврийн магадлан шинжээч)

П.Нөхөрлөлбаяр (Булган сумын Засаг дарга)

Г.Нарангэрэл (Булган сумын ХААТ-ийн дарга)

Нарийн бичиг: Д.Мөнхбаасан (ХХААГ-ын Хүнсний асуудал хариуцсан мэргэжилтэн)

2. Аймгийн төвийн хүн амын 2022 оны хаврын улирлын хүнсний хэрэгцээнд мах бэлтгэн нийлүүлэх аж ахуйн нэгж, иргэнийг сонгон шалгаруулж, гэрээ байгуулан хэрэгжилтэд хяналт тавьж, ажиллахыг Хүнс, хөдөө аж ахуйн газар (Ч.Амгалан)-т үүрэг болгосугай.

3. Худалдаанд нийлүүлж байгаа махны өдөр тутмын гүйцэтгэлд хяналт тавьж, тооцоо нийлж ажиллахыг Булган сумын Засаг дарга (П.Нөхөрлөлбаяр)-д даалгасугай.

4. Гэрээний дагуу бэлтгэн нийлүүлсэн 1 кг мах тутамд 2000 (хоёр мянга) төгрөгийн урамшууллыг батлагдсан төсвөөс санхүүжүүлэхийг Санхүү, төрийн сангийн хэлтэс (Д.Батцогт)-т зөвшөөрсүгэй.

ЗАСАГ ДАРГА

Б.АРИУН-ЭРДЭНЭ

6320220318